

"Tètâr di Fârjole" version wallonne, chanson créée pour le 15 février 1997.

C' n'est pus l' momint d' bèziner, di s' ripwaser.
Sins piède di temps, faut nos rastamper.
Minme si nos avans mau nos pîds,
èstans maflés, i faut rataquer.
Aprèstans tos nos bub'rons.
Sâdjemint, djintimint, alans cwé lès djins.
Lès fé participer à nos amûs'mints.
Abîye, rad'mint, èt nos v'là en tch'min.

Tètâr di Fârjole, Tètâr di Fârjole,
nos n'estans nén grigneûs ni pêteûs.
Tètâr di Fârjole, Tètâr di Fârjole,
on n' si prind nén trop au sérieûs.
Nos vos ... fians ... danser ...,
nos vos ... fians ... tèter ...
Vinoz adlé nos,
vos-è frîz bén ètou ostant qu' nos !

Sins chal'ter, ni trèbuker, ni sokî,
sins tchanc'ler, ni nos aflachî,
lèvans nos gngnos, pèstèlans bén sins nos spaurgnî.
On s' va mète à nadje di tchôd.
On n'è nén v'nu su l' tère, vêci,
réen qu' pou mindji, réen qu' pou r'wéti.
On s' disguïje râr'mint, mins pou branmint dès djins,
dins leû viye, c' è-st-à tot momint !

Tètâr di Fârjole, Tètâr di Fârjole,
nos n'estans nén grigneûs ni pêteûs.
Tètâr di Fârjole, Tètâr di Fârjole,
on n' si prind nén trop au sérieûs.
Nos vos ... fians ... danser ...,
nos vos ... fians ... tèter ...
Vinoz adlé nos,
vos-è frîz bén ètou ostant qu' nos !

On-z-ètind dîre qui réen n' boudje pâr ci !
Todi misère, wêre di pléji.
Asteûre, lès djins sont râremint contints !
Rèwèyiz vos, ranchoz branmint.
Amûsez-vos ! Vos n' vik'roz qu' in côp !
Tot bén pèsé, i faut è profiter.
Vinoz avou nos, po n' rén r'grèter,
èt dîre, quand vos s'roz viye : " Djè l'ârève bén v'lu fé" !

Tètâr di Fârjole, Tètâr di Fârjole,
nos n'estans nén grigneûs ni pêteûs.
Tètâr di Fârjole, Tètâr di Fârjole,
on n' si prind nén trop au sérieûs.
Nos vos ... fians ... danser ...,
nos vos ... fians ... tèter ...
Vinoz adlé nos,
vos-è frîz bén ètou ostant qu' nos !

Musique : Julie Servotte
Paroles : Jacques Servotte